

Hegoaldean bigarrenengo teknologi parkea egiten hasi dira Donostian


Miramonen 2.000-3.000 lanpostu sortuko direla adierazi dute arduradunek

Donostiako Teknologi Parkea izango deneko lehen harria jarri zuten atzo agintariek Miramonen. Hego Euskal Herrian bigarren teknologi parkea izango da hau, Zamudiokoa martxan baitago. Miramongo Parkean 2.000-3.000 lanpostu sortuko direla aurrikusi dute bertako arduradunek.

DONOSTIA

Bederatzi dira dagoeneko Donostiako Teknologi Parkean jarriko direla hitza eman duten enpresa eta elkarteak. Horien artean Adegia patronalak eta Elkar-gi garantia elkarteak beren egoitzak Miramonen jarriko dituztela iragarri dute. Teknologi Parkeko arduradunak beste hamabost eskari aztertzen ari dira eta ez dute baztertu atzerriko enpresaren bat ere bertan izatea. Proiektuaren arabera, ehunen bat enpresa kokatuko dira bertan eta 2.000-3.000 lanpostu inguru sort daitezke.

Miramongo Teknologi Parkeak 86.000 metro karratuko azalera izango du, eta elkarteak berak 25.000 metro karratutan eraikiko du. Gero eraikuntzak enpresei saldu edo alokatuko zaizkie. Gainontzeko lursailak saldu egingo dira. Datorren urteko udarako eraikin nagusia eta beste bost eraikin egingo dira. Eraikin nagusian Parkearen bulegoak jarriko dira. Lehen fase



Atzo jarri zen lehen harria, eta datorren udarako hamar mila metro karratutan eraiki nahi da. EDURNE KOCH

honetan hamar mila metro karratuko azalera egingo dira eraikinok. Gaiñontzekoa beste bi fase-tan eraikiko da, bata 1998an bukatuko da eta azkena 2001ean.

Donostiako Teknologi Parkearen kapital sozialaren % 51 Eusko Jaurlaritzako SPRI erakundearen esku dago, Kutzak % 25eko partaidetza dauka, Gipuzkoako Diputazioak % 19 eta gainontzeko % 5a Donostiako Udalarena da.

UNIBERTSITATEAREKIN ETA ENPRESEKIN ELKARLANEAN Teknologia Parkearen helburu nagusia punta-

ko teknologia bultzatzea izango da. Horretarako Unibertsitatea, eta enpresa eta ikerketa arloak bildu nahi dira, behar teknologikoei aurre egiteko. Parkeak eskainiko dituen zerbitzuak kontuan hartuta, bertan kokatzeko lehentasuna izango dute telekomunikazio, elektronika, informatika, industri automatikoa, material aurreratuak eta ingurugiro teknologien sektoreko enpresek.

Jose Antonio Ardanza Gasteizko Gobernuako lehendakariak jarri zuen atzo Miramongo Teknologi Parkeko lehen harria. Protokolo ekitaldian izan ziren

baita ere Javier Retegi Eusko Jaurlaritzako Industria sailburua, Roman Sudupe Gipuzkoako diputatua eta Odon Elorza Donostiako alkatea. Ardanzak adierazi zuenez, euskal teknologi sarea osatzeko «erabakigarria» izango da Donostiako Parkea.

Enpresez gain berdegune handi bat eta 200 etxebizitza ere izango dira Parkean. Elkarrekin Teknologikoko iturriek azaldu dutenez, orain arte Parkean kokatzeko jaso dituzten eskarien arabera, aurrikuspenak uste baino hobeak dira eta 2001 urterako teknologi gunea beteta egon daitekeela deritzote.

Untzigintzarako laguntzak urtea amaitu aurretik finkatzeko eskatu du Brusselak

DONOSTIA

Untzigintza sektorearentzako laguntza publikoak urtea amaitu aurretik zehazteko eskatu die Europako Batasunak Hamabostei. 1996. urteko urtarilaren 1etik aurrera Europako untzigintzak, EEBBekoak, Japoniakoak, Hego Koreakoak eta Norvegiakoak ez dute dirulaguntza publikorik jasoko, Espainiako, Portugalgoa eta Belgikakoa izan ezik. Hauek sektoreak birmoldatzeko laguntza jasoko dute.

Espainiako Industria Ministerioko untzigintza arduradunak eta sektoreko sindikatuak, berriz, birmoldaketa plana negoziatzen jarraitzen dute. Hurrengo bilera asteartean egingo dute. Azken bileretan untzigintza publikoko zuzendaritza untziolarik ez izateko prest agertu bada ere, badirudi

5.300 lanpostuen murrizketari dagokionez ez duela amore eman nahi.

Bestalde, Erreterriako Udalak aho batez onartu zuen atzo birmoldaketa plana atzera botatzeko eskatzea Madril.

BERGARA «IRTENBIDE NEGOZIATUAREN» ALDE J o s u

Bergara Bizkaiako diputatuak, berriz, «irtenbide negoziatua eta ez traumatikoa» defenditu zuen Sestaoko La Naval untziolarientzat. Planaren arabera, La Navaleko 2.358 langileetatik 1.268 kaleratuko lirateke. Bergara Sestaoko untziolako enpresa batzordearekin bildu zen atzo. Langileek Industria Ministerioak diseinaturako planaren berri eman zioten diputatuari. Honek «Bizkaiaren eta bizkaitarren interesak defenditzeko» konprometua hartu

zuen eta Sestaoko untziolaren etorkizuna «ziurtatzeko» eskatu zuen.

Jose Luis Marcos Merino PSE-EEko idazkari nagusiaren ustez, «nahikoa marjina badago enpresak, administrazioak eta sindikatuak negoziatu eta planaren inguruan akordioa lortzeko». PSOE alderdiko ordezkariak Juan Manuel Egiagarai planaren bultzatzailea den Espainiako Industria ministroarekin bilduko dira datorren asteartean, Marcos Merinok esan zuenez. Bileraren helburua «akordioa lortzeko bidea egitea» litzateke.

Espainian planaren aurkako mobilizazioak jarraitzen dute. Herenegun 70.000 lagun inguru bildu ziren Cadizen, planaren aurka protesta egiteko manifestaldian. Birmoldaketa planak Cadiz eta Sevillako untziolak ixtea jasotzen du.

LABURREAN

GASOLINA 40

zentimo merkeago oporren hasieran

Gasolinak eta automobiletarako gasoilak 40 zentimo merkatuko dira litroko gaurtik Espainiako Estatuan. Gaurtik eta astebetez indarrean izango diren prezioak honakoak dira erregai litroko: gasolina superra 111,3 pezeta (4,45 libera inguru), normala 107,8 pezeta, berunik gabekoa 105,3 pezeta, A gasoila 85,2 pezeta eta B motakoa 51 pezeta ●

KUTXAK % 10,7

hobetu ditu emaitzak urte erdian

Urtarriletik ekainera bitartean Gipuzkoako Kutxak 7.724 milioi pezetako (308,96 milioi libera inguru) irabaziak lortu ditu, iaz epe berean baino % 10,7 gehiago, alegia. Kutxako iturriek azpimarratu dutenez, balantzean lehenbizikoz bilioi bat pezetako maila gainditu du urtearen lehen erdian, 1.003.572 milioira iritsiz. Kudeatutako errekurtsoak % 8 hazi dira iazko ekaineko datuekin alderatuz ●

LANERAKO ikastaldiak Iparraldean

Baionako Merkataritza Ganbararen eta Eusko Jaurlaritzaren arteko hitzarmena dela medio, Hegoaldeko hogeitazte Baiona, Angelu eta Miarritzeko hotel, jatetxe edo agentzian egin dituzte ikastaldiak. Ostalaritza, harrera egite eta idazkaritzako formakuntzak jarraitu dituzte uztailaren 3tik 26ra ●

AHVko zuzendaritza eta sindikatuak ados espedienteaz

AHVko instazioak ixten doazen heinean langileak ere kaleratu beharko dituzte Konpetitibitate Plana jarraituz. Horrela, bertan jasotzen den moduan behin-behineko enplegu erregulazio espedienteak irekiko da eta ildo honetan akordioa lortu dute sindikatuak eta enpresak. 1996ko urtarilaren 1ean jarriko da indarrean AHV ixtean. Guztira 1.579 langile kaleratuko dituzte ●

Uztailan 30.000 langabetu gutxiago INEMen

SANTANDER

Alberto Elordi Espainiako Enplegu Institutuko (INEM) zuzendari nagusiak atzo Santanderren aurreratu zuenez, uztailan 30.000 lagun gutxiago egon dira langabezi zerrendetan.

Elordiren arabera, langabeziren gaineko uztailako datuak «onak» izango dira beste urte batzuetakoekin alderatuz. Hala ere, 1994ko emaitzak ez direla lortuko esan zuen, iaz uztailan INEMek ekainean baino 84.000 langabetu gutxiago zenbatu baitzuten. INEMeko zuzendariak azaldu zuenez, «ekonomi hazkunde enpleguan isladatzen hasi da».